



## Sababoota Jaalala Daangaa Darbe

### Description

Wantoonni jaalala daangaa darbeetti nama geessan baay™eedha. Namni sababa yoo beeke miidhaa hojiin isaa itti fiddu irraa fagaata. Namni tokko jirenyya keessatti milkaa™uuf sababa fi bu™aa wanta hojjatu beeku ykn tilmaamu qaba. Sababa (cause) jechuun hojiin sun akka raawwatamuuf wanta nama kakaasudha. Bu™aa (effect) yoo jennu immoo firii hojii san irraa argamuudha. Firiin sun miidhaa ykn faayda ta™uu danda™a. Kanniin siritti yoo hin beekin jirenyi teenya gara hin qabdu.

Haaluma kanaan wantoonni jaalala daangaa darbetti nama kakaasan (sababonni) ni jiru. Akkasumas, firiin (bu™aan) jaalala daangaa darbe irraa dhalatuus ni jira. Torbaan darbe miidhaa jaalala daangaa darbe irraa dhalatu ilaalle turre. Har™a Insha Allah sababoota jaalala Daangaa darbee (Al-Ishqu) ilaala.

**1. Rabbiin irraa garagalu™“** namni yommuu Rabbiin irraa garagalu balballii fitnaa (qormaata) hundii itti banamti. Jirenyya kana keessatti daandii lamatu jira. Isaanis daandii Rabbii qajeelaa kan ta™ee gammachuu fi milkaa™innatti nama baasu fi daandii sheeyxaanaa jallataa kan ta™ee gaddaa,cinqii fi rakkinatti nama geessudha. Namoonni daandii lamaan kanniin keessaa tokko filachuun irra adeemu. Daandii Rabbii filatee fi hojii gaggaari kan hojjatee jirenyya gammachuu jiraata. Namni yommuu Rabbiin irraa garagalu sheeyxaanni fedhii jaalalaat itti bobeessun baditti isa darba. Namni Rabbii ajajamuu fi qalbiin isaa jaalala Rabbitin guuttamte, jaalalli wantoota biraanisa hin miidhu. Namni yommuu Rabbiin dhiise wanta biraanisa jaallatu, wanta jaallate saniif gabra ta™a. Dubartiif, maallaqaaf, dhiira fi kkf gabra ta™a. Kanaafu gubaa jaalala jalaa bahuuf namni tokko gara Rabbii haa deebi™u.

**2. Miidhaa jaalalaa wallalu-** namni miidhaa jaalala daangaa darbee hin beekne ykn shakke, dhibee kanatti kufuun ofii fi namoota biroo miidha. Kanaafu yoo dhibee jaalalaatin rakkatte, miidhaa isaa beeki. Barruulee ~Machaa jaalalaa fi Zinaa-Daandii Badii ~irraa deebi™i dubbisi.

**3. Hojii malee taa™u (duwwaa)™“** kuni sababa irra guddaa gara jaalala daangaa darbetti nama geessudha.

Aristootil akkana jedha: â€œJaalalli daangaa darbe wallaalummaa ifa bahe, qalbii duwwaa daldala yookiin oomisha waliin hin koâ€™oomne (biizi hin taane) itti buâ€™a.â€

**Ibn Al-Qayyiim** (Rabbiin Rahmata isaa haa godhu) akkana jedha:â€œ Jaalala suuraatiin (fakkiit) namni qoramu nama qalbiin isaa jaalala Rabbii irraa duwwaa taate fi Rabbiin irraa garagalteedha. Qalbiin jaalala Rabbiiti fi Isa qunnamuuuf dharraâ€™uun yoo guuttamte, dhukkubni jaalala irraa kaâ€™a. â€œ

Ammas akkana jedhi,â€œNama tokkoof wanti hundarra badaa taâ€™e (miidhaa itti fidu) hojii malee taâ€™uu fi (qalbiin isaa] duwwaa taâ€™uudha. Lubbuun takka duwwaa hin teettu. Kana irra, namtichi wanta ishii fayyaduun yoo hin koâ€™oomsin, wanta isaa miidhun isa koâ€™oomsiti. Kuni shakkii hin qabu. â€œ

Kanaafu mataa keenya hojii gaggaari hojjachuun yoo of hin koâ€™oomsin, nafseen teenya wanta faaydi hin qabne waliin osoo fiigdu fi dharraatu jirenyaa keenya keessaa gammachuu haaqxi.

Gubaa jaalalaa jalaa bahuuf haala kanaan of koâ€™oomsu dandeenyaa. Qalbii fi qaamni keenya hojii hojjachuun qabu. Keessattu qalbiin yoo ona (duwwaa) taate, iddo walghaahii badii hundaa taati. Yommuu karaa irraa deemnu, konkolaataa keessa teenyu, hojii humnaa hojjannuu, arrabaa fi qalbii teenya zikriin haa leenjisnu. Hojii humnaa buâ€™aa nuu buusu osoo hin tufatin hojjachuun qabna. Namni yommuu beekumsaan, oomishummaan fi daldalaan of xamade yeroo gubaa jaalalaatin guubatu hin qabu.

**4.Sab-qunnamtii (social media)**â€œ“ sab-qunnamtiin wanta sobaatin nama amansiisu fi yaada namaa jijjiruun badiin inni raawwatu hangana hin jedhamu. Hawwii sobaatin isaan guutun boollo baditti isaan unkura ykn shigida. Tv, interneetin, gazeexa, kitaabonni asoosamaa fi kkf wantoota badii agarsiisun ibidda jaalala isaanitti qabsiisu. Namni badii kana hordofuu ibidda jaalalaatin halkanii guyyaa gubatuu malee buâ€™aan inni argatu tokkollee hin jiru. Gariin sammuu bashanansiisuf diraama fi filmii ilaalla jedha. Onneen ibidda jaalalatiin gubataa akkamitti sammuu boqonnaa argatti? Nama tokkotu yeroo umriin isaa gara wagga 14 fi 17 jiddu taâ€™uu filmii fi diraama ni ilaala tÃ¼re. Garuu yeroon booda filmii fi diraaman kunniin ibidda jaalalaa itti qabsiisa akka jiran yommuu hubatu, dafee irraa dheesesse, gara Rabbii deebiâ€™i. â€œWanta fokkuu kanniin ilaalun maaltu keessa kiyya na gubeâ€™echuun hojii gaariin of koâ€™oomsutti fiige.

**5.Jaamaa akkeessu-** namoota keessaa nama seenaa fi oduu jaalalaa dubbisutu jira. Yookiin immoo weeddu fi sirba jaalala dhageefatu. Meeqa kamtu sirba jaalala osoo dhageefatu keessa ofii ibidda jaalalaatin osoo guba sammuu ofii hojiin ala godhe.

Gariin namaa namoota naannoo isaa miidhaa fi gadda jaalalli isaanitti fide haala kitaabatin ykn walaloon facaasan arguun innis isaan akkeessu eegala. Wanta isaan itti kufan innis akka itti kufee fi gubaa jaalalaatin rakkataa akka jiru calâ€™isuu dhiisu namootatti ifa baase odeessa. Meeqa kamtu kitaaba asoosama jaalalaa barreessun ofillee jaamse namallee jaamsa. â€œCaaltu fi Caalan akkana taâ€™anii, bakka kanatti wal arganii, akkana waliin raawwataniif fi kkf..â€œ osoo jedhe odeessu waraqaa, qalama, sammuu fi qabeenya qisasessa. Kan asoosama kana dubbisus wanta achi keessatti barraaâ€™e akkeesun hojii irra oolcha. Ergasi hadhaa wanta raawwate ni dhandhama. Yookiin immoo gochoota filmii keessatti adeemsifaman akkeessun gubaa jaalalaatin of miidha.

Ilma namaatif gubaa irratti gubaa dabaluun hanga isaan rakkisu osoo wanta gaarii gummachefi maal qabaa. **Wanta badaa facaasu irra calâ€™isuunu gumaacha guddaadha.** Hangaa kana waliin yeroo ofii gubu seena abbooti Oroomo, jechoota isaanii, aadaa isaanii osoo walitti sassaabe dhalootaf buâ€™aa guddaa buusa.

**6.Hubannaan jaalala (al-Hubb) fi jaalala daangaa darbee** (al-Ishq) miicciram- sababoota gurguddoo ibidda jaalala qabsiisan keessaa tokko hubanna jaalalaan micciruudha. Gariin namaa jalaalli yoo nama san hin jaamsin fi jallinatti yoo hin dabarsin, â€˜Kuni jaalalaan mitiâ€™ jechuun yaada. Namni jaalala daangaa darbeetti kufee bakka gaarii, mararfannaa fi gaarummaa galmaan akka gaâ€™e godhanii yaadu. Namni jaalala daangaa darbetti kufuu dhiise jaalaluma nagaha nama jaallate, â€œKuni nama uumamni isaa goge, miirri isaa duwwaa fi cabbii taâ€™e, wanta gaarii irraa qullaa taâ€™e.â€œ jechuun yaadu. Jaalalle yoo hin qabaatin nama duubatti hafaa jechuun arrabsu. Namni dubbii kanaa fi kkf yommuu itti darbamuu dhagahu, akka isaanii taâ€™uuf carraaqa. Ergasi ibidda jaalala harkaan qabata.

Eeti namni tokko jaalala (al-hubb) yoo hin qabaatin miirri isaa akka cabbii taâ€™a, qalbiin isaa ni gogdi, wanta gaarii irraa fagaata. Haa taâ€™uu malee jaalalli saalaa faalla qofarratti yoo daangefame wallaalummaa fi hubannaan isaa micciruu taâ€™a. Hiikni jaalalaan balâ€™aa, yaadrimee waligalaa kan qabuu fi wantoota baayâ€™ee kan of keessatti hammateedha.

Meeqatu jaalala saalaa faallatiin osoo machaaâ€™u jaalala namoota biroo dagate. Jaalalli saala faalla akka tuqaa takka galaana jaalalaan keessa jirtuuti. Namoonni kunniin jaalala haadha abbaa, obboleessa obboleetti, ijoollle fi firoota dagachuun jaalala saala faallaa waliin maraatu. Jaalalli beekumsaa, qulqullummaa ofii eegu (iffaa), gootummaa, jaalalli amala gaarii, jaalalli bilchanna sammuu isaan irraa dhokate jira. Hangaa qaama hormaata wanta badaa irraa tiksu gaarii taâ€™ee, beekumsa caalaa miâ€™aaya taâ€™e eessa jiraa? Namni qulqullummaa ofii eegu jirenyaa miâ€™aa fi gammachuu jiraa.

Dhugumatti jaalalli hundarra caalee, kabajamaa taâ€™ee, faaydi kan qabu, miidhagaa taâ€™ee, guutu taâ€™e, isaan irraa dhokate jira. Jaalalli suni Jaalala Rabbii olâ€™aanuti. Jaalalli faarfamaan hundi jaalala kana irraa burqu.

**7.Dubartoonni qullaa yaaâ€™u-wantoota** ibidda jaalala qabsiisan keessaa tokko dubartiin saalfannaa tokko malee qullaa deemudha. Qalbii namaa keessatti ibidda jaalala bobeeessun ilma namaa qorti. Furmaanni kanaa ija irraa gadi qabachuu fi gara Rabbii fiigudha. Sheyxaanni dubartoota akkanaatin nama qoruun gabra nama godhata. Karaan sheyxaana jalaa ittiin bahaniin gara Rabbii yoo deebiâ€™anii fi Isaa ajajamaniidha.

**8.Ija gadi furuuâ€“** ibiddi jaalala kan jalqabu iiji yommuu wanta miidhaga fuula duratti dhufe ilaaltudha. Ijji daawwiti qalbiiti. Namni ija ofii gadi fÃ¼ru baditti tirataa jira. Yommuu namni ija ofii gadi fÃ¼ru, fedhii qalbii isaa gadi lakkisaa jira, fedhiin isaa akka feete akka taatu hayyamaa jira. Ergasii gaabbi fi gadda itti fufaa taâ€™e dhandhama. Yommuu wanta fedhii isaa itti hooâ€™isu arge, wanta san irraa obsuu hin dandaâ€™u. Karaa wanta san ittiin argatus hin qabu. Kuni laalaa fi adabbii isaati. Warroota filmi wal-qunnamtii saalaa ilaalan keessi isaanii gubaa hamaan gubata. Yookaa wanta ilaalan san hin argatan yookaa immoo obsa hin qaban. Gubaa irratti gubaa ofitti dabalu. Osso ija ofii gadi qabatanii adabbii fi laala kana hunda ni dhandhamu?

Dhugumatti akkuma Hadiisa keessatti dhufe, ilaalchi xiyya sheyxanaa summooftedha. Xiyyi kuni qalbii keessa deemun wanta summiin namarratti hojjatu hojjata. Namni summii yommuu obaafamu yookaa haqqisee jireenyi isaa baraaramti yookiin immoo ni duâ€™a. Haaluma kanaan yommuu namtichi wanta nafseen isaa feetu ilaalu, yoo dafee ija isaa irraa hin garagalchin, summiin xiyyaa argitu (ijaa) qalbii keessa seenun baditti isa darbiti.

Ä°laalchi akka qaanqee citaa gogatti darbamteeti. Qaanqen yoo hunda hin gabin cinaa isaa ni gubdi. Namni ija ofiitin wantuma arge ilaalus qalbiin isaa ni gubatti.

Jariir ibn Abdullah akkana jedha: **â€œWaaâ€™ee milâ€™annaas tasaa ilaachise Ergamaa Rabbii (SAW) gaafadhe. Innis ija tiyya akka irraa garagalchu itti na ajaje.â€** (Ahmad, At-Tirimizii fi Abu Dawudt gabaasan)

Imaam ibn Al-Qayyim akkana jedha, **â€œMilâ€™annaan tasaa milâ€™anna jalqabaa niyyaa (yaada) tokko malee (dubartii) irra buutudha.** Yoo qalbiin itti hin hawwalin (sirritti itti hin yaadin) saniif hin adabamu. Ija itti rakkisuun milâ€™annaan lammataa yoo itti deebise garuu cubbuu raawwate jedhama. Ergama Rabbii (SAW) milâ€™annaas tasaatin booda dafe ija isaa akka irraa garagalchu itti ajaje. Ilalcha ofii akka itti hin fufne. Ä°tti fufiinsi irra deddeebi waan taâ€™uuf.â€

**9.Qilqili (sagalee jeequmsaa) bilbilaaâ€“** wantoota ibidda jaalala bobessan keessaa inni tokko bilbila. Shamarri duran kabajamtu, tan eenyullee itti hin dhiyaanne eeggantu tan taate, cimtuu (siriyeesi) wanta badaan tan hin shakkamne turte. Mana keessatti qulqulluu fi sodaatantu turte. Abbaan fedhe itti dhufe ishii hin tuffatu (hin daffaru). Yeroo ammaa hoo akkamii?

Yeroo ammaa garuu tan bilbilaan tufatantu malee wanta biraati miti. (Eeti tan Rabbiin rahmata godheef cimtuun intala ammas ni jirti.) Garuu tan bilbilaan tufatamte haasawa dheeraa nama argite waliin osoo bilbilaan haasoftu adabbii hin yaannetti kufti. Namni gadheen bilbilaan dubbii miâ€™eesse osoo ishii watawatu isarraa jaalalaan qabamuun isatti dabalamti. Dubbiin asitti hin dhaabbattu. Shamarreen tuni watwataa isaa dhageefachuun fedhii isaa guuttif. Ergasi namtichi kuni fedhii isaa erga guuttateen booda salphinna ishii irratti uwwisee biraat deema.

Yaa obboleetti koo! Fesbuuki, whatsapp, viber fi kan kana fakkaataniin of hin gowwomsin. Dhiirri harâ€™a si jaaladha jedhe sitti fiigu siif yaade osoo hin taâ€™in fedhii ofii guuttachuufi. Osso siif yaade fuudhaa heerumaaf si barbaada. Garuu niyyaan isaa kan biraati.

Dhiira qofa miiti kan bilbilaan nama jeequ. Dubartiinis dhiira waliin bilbilaan dubbii jalqabuun ibidda jaalala itti qabsiisti. Dubbii ishii itti miâ€™eessun badii meeqa keessatti isa dabarsiti. Yaa obboleessa koo, ati fuudhaf qophii yoo hin taâ€™in, yeroma ishiin bilbilaan chaati (tapha) sitti jalqabdu, addaan kuti, bilooki ishii godhi. Yoo akkana hin godhiin laalaa baayâ€™ee dhandhamta, hirriba dhabda. Dhugumatti dubartoonni akkanaa dhiiratti taphatanii, taphatanii dhumaratti kasaarsanii bira lixu. Kanaafu yaa obboleesso, qaruute taâ€™i. Dubartima argite waliin bilbilaan hin haasayin, si jaanjessititi.

Sababni bilbilaan wal jeequ kuni kan burqu Rabbiin sodaachu dhiisu, miidha kanaan dhufuu madaalu dhiisu, suuraalee (foto) interneeti irratti mulâ€™atutti ija rakkisuun fi kkf dha.

---

**Gudunfaa**

Akkuma duratti jenne sababa fi buâ€™aan jirenyaa keessatti wanta addaan hin baanedha. Sababoota ibidda jaalala qabsiisan erga beekne, jaalala tooâ€™achuuf ni salphata. Karaa biraatin namni sababoota armaan olii kanniin beeke yoo irraa fagaate jaalala salphatti ni toâ€™ata. Insha Allah, hanga torbaan dhufu mata duree dawaa jaalala walitti deebinutti turtii gaarii. Assalamu aleykum warahmatullahi wa barakatuhu

Kitaaba wabii

[al-ishq](#) fuula 31- 54

**Date Created**

December 10, 2016

**Author**

admin